



*Maršala Tita 25, 71000 Sarajevo*

**Broj: 150-15-4-564-5 /22 MM**  
**Sarajevo, 11.03. 2022. godine**

Na osnovu člana 70. stav (1) i (3) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: broj: UV-104-01-1-116/15 od 28.12.2015. godine, broj: UV-122-01-1-1045-11/21 od 28.04.2021. godine i broj: UV-104-01-1-1425-15/21 od 29.06.2021. godine, člana 13. stav (2) tačka b), člana 43. stav (1) i člana 45. stav (2) Pravilnika o javnim nabavama, broj: UV-150-01-1-1467-3/20 od 27.07.2020. godine, guverner Centralne banke Bosne i Hercegovine donosi

### **ODLUKU**

#### **o izboru najpovoljnijeg ponuđača u postupku javne nabavke roba – stabilni sistem za gašenje požara sa ugradnjom**

##### **Član 1.**

Centralna banka Bosne i Hercegovine (u daljnjem tekstu: Centralna banka), ugovor za nabavku roba – stabilni sistem za gašenje požara sa ugradnjom za potrebe Glavne banke Republike Srpske Centralne banke BiH, dodjeljuje ponuđaču NEW SANATRON d.o.o. Novi Grad, u svemu prema Ponudi broj: 26072 od 25.02.2022. godine.

##### **Član 2.**

Ponuda ponuđača iz člana 1. ove odluke, iznosi

21.970,00 KM bez PDV-a

(slovima: dvadesetjednahiljadadevetstotinasedamdeset konvertibilnih maraka i 00/100)

odnosno

25.704,90 KM sa uračunatim PDV-om

(slovima: dvadesetpethiljadasedamstotinačetiri konvertibilne marke i 90/100).

##### **Član 3.**

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti ugovor, za čije se izvršenje zadužuje Glavna banka Republike Srpske Centralne banke BiH (u daljem tekstu: GBRS).

##### **Član 4.**

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine, GBRS i Odjeljenje za računovodstvo i finansije Centralnog ureda Centralne banke Bosne i Hercegovine.

##### **Član 5.**

Ova Odluka će se objaviti na web stranici Centralne banke [www.cbbh.ba](http://www.cbbh.ba) istovremeno s upućivanjem obavještenja o rezultatima postupka ponuđaču koji je učestvovao u postupku

javne nabavke, u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14).

### O b r a z l o ž e n j e

Postupak javne nabavke roba – stabilni sistem za gašenje požara sa ugradnjom, pokrenut je Odlukom, broj: 150-15-4-564-2/22 MM od 04.02.2022. godine. U skladu s tim, Centralna banka je 11.02.2022. godine na portalu Javnih nabavki objavila Obavještenje o nabavci broj: 1370-1-1-86-3-94/22. U predviđenom roku za dostavljanje ponuda, do 03.03.2022. godine do 10:00, blagovremeno je dostavljena jedna ponuda ponuđača:

- NEW SANATRON d.o.o. Novi Grad.

Komisija za provođenje postupka javne nabavke (u daljem tekstu: Komisija) je izvršila pregled i ocjenu ponude i zaključila da pristigla ponuda zadovoljava sve uslove tražene tenderskom dokumentacijom.

Komisija je Zapisnikom o pregledu i ocjeni ponuda, broj: 149-15-4-734-5/22 i Izvještajem o radu sa preporukom, broj: 149-15-4-734-6/22, oba od 09.03.2022. godine dala preporuku kao u dispozitivu ove odluke.

Cijeneći sve naprijed iznesene činjenice i okolnosti, odlučeno je kao u dispozitivu ove odluke.

#### **Pouka o pravnom lijeku:**

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.

Dostaviti:

- guverneru;
- viceguvernerima;
- Uredu glavnog internog revizora;
- predsjedniku i članovima komisije;
- GBRS;
- Ponuđaču (original)
- Odjeljenju za računovodstvo i finansije (original);
- Odjeljenju za javne nabavke (original);
- u spis predmeta (original).

**GUVERNER**  
**Dr. Senad Softić**

